



Ke Vienna untuk harumkan nama S'pura

29 JUL 1986

SEKALI pandang seolah-olah terkaman garang penyerang pasti menumpaskan sasarannya. Tetapi dengan secepat kilat (lihat gambar) terkaman itu dapat ditangkisnya.

'Pertarungan' begini adalah sebahagian daripada latihan gigih yang dilakukan oleh empat orang ahli silat kita sejak enam bulan lalu untuk mempersiapkan diri bagi Kejohanan Silat Antarabangsa yang di Vienna.

Keempat-empat orang itu, Raja Ahmad bin Raja Yusof, 20 tahun; Iskandar Muda, 23 tahun; Azrin Rahim, 22 tahun dan Zahri Hasar, 23 tahun, telah berlepas Sabtu lalu untuk memperlihatkan kecekapan mereka di kalangan pesilat-pesilat Eropah.

Antara mereka, Raja Ahmad merupakan yang termuda. Inilah kali pertama beliau menyertai pertandingan antarabangsa.

Bagi Zahri pula, inilah kali kedua beliau bertanding di peringkat itu.

Selain latihan seminggu sekali secara berkumpulan, para pesilat kita berlatih sendiri hampir setiap hari.

Menurut Encik Johari Uriff, Setiausaha Agung Persekutuan Silat Singapura (Persisi), beliau yakin para pesilat kita akan menunjukkan kelakonan yang baik dan mungkin membawa balik beberapa buah pingat.